



Adresa: **Ul. Grbavička 4**  
71000 Sarajevo  
<http://www.voda.ba>

tel. +387 33 565 400  
fax. +387 33 565 423  
e – mail: [jvp@bih.net.ba](mailto:jvp@bih.net.ba); [info@voda.ba](mailto:info@voda.ba)

Broj: **UP-I/25-1-40-066-2/09**  
Datum: **20. 02. 2009.**

«Agencija za vodno područje rijeke Save» Sarajevo rješavajući po zahtjevu «TMD AGS» d.o.o. Gradačac - iz Gradačca za izdavanje prethodne vodne saglasnosti za korištenje voda i ispuštanje otpadnih voda iz objekata livnice aluminijuma, na osnovu člana 139. stav 1. tačka 3. Zakona o vodama («Službene novine Federacije BiH», broj 70/06) i člana 200 Zakona o upravnom postupku («Službene novine Federacije BiH», broj 2/98 i 49/99), d o n o s i

### **R J E Š E N J E** **o prethodnoj vodnoj saglasnosti**

1. «TMD AGS» d.o.o. Gradačac iz Gradačca daje se predhodna vodna saglasnost za snabdijevanje vodom i ispuštanje otpadnih voda iz objekata livnice aluminijuma sa sjedištem u Gradačcu u ulici Sarajevska br. 62.
2. Predhodna vodna saglasnost se daje pod slijedećim uslovima:
  - 2.1. Da se uradi projektna dokumentacija za tehničko-tehnološko rješenje objekata livnice aluminijuma najmanje na nivou idejnog projekta sa svim potrebnim proračunima i tehničkim opisom koja mora biti revidovana od ovlašćene firme.
    - 2.1.1. Dokumentacija treba obavezno da sadrži preglednu situaciju terena u odgovarajućoj razmjeri sa ucrtanom lokacijom proizvodnih objekata, proračunom potrebnih količina vode, proračunima količina i sastav otpadnih voda i drugih opasnih i štetnih materija,
  - 2.2. Da se uradi investiciono tehnička dokumentacija tretmana otpadnih voda iz objekata livnice aluminijuma i otpadne vode sa parking prostora i saobraćajnica, najmanje na nivou Idejnog projekta sa svim potrebnim proračunima i tehničkim opisom, koji mora biti revidovan od strane ovlaštene firme,
  - 2.3. Da se odabranom tehnologijom prečišćavanja otpadnih voda dobije prečišćena voda (efluent) propisanog kvaliteta, koji se može ispuštati u recipijent,
  - 2.4. Da se projektnom dokumentacijom obuhvati tretman i konačno zbrinjavanja mulja nastalog na postrojenju pri prečišćavanju otpadnih voda,
  - 2.5. Da se dâ tehničko rješenje privremenog skladištenja, odnosno odlaganja opasnih i štetnih materija,
  - 2.6. Da se projektnom dokumentacijom dâ tehničko rješenje načina mjerenja zahvaćenih voda i ispuštenih otpadnih voda sa monitoringom karakterističnih fizičko-hemijskih parametara,
  - 2.7. U projektnoj dokumentaciji treba definisati recipijent u koji se odvođe prečišćene otpadne vode iz uređaja za prečišćavanje i način odvođenja prečišćene vode u recipijent,
  - 2.8. Projektom treba predvidjeti izgradnju revizionog okna prije ispuštanja prečišćenih voda, koji će služiti kao okno za monitoring ispuštenih otpadnih voda,
  - 2.9. Da se obradi mogućnost nastajanja i drugih uticaja na režim voda ili uticaja režima voda na stanovništvo, objekte, radove i okolinu,
3. Po izradi dokumentacije iz tačke 2. ovog dispozitiva korisnik predhodne vodne saglasnosti dužan je da ovoj Agenciji podnese zahtjev za izdavanje vodne saglasnosti.

4. Projektnu dokumentaciju za izdavanje vodne saglasnosti može izraditi pravno lice koje je dobilo ovlaštenje za izradu dokumentacije izdato od strane Federalnog ministarstva poljoprivrede, vodoprivrede i šumarstva.
5. Ova predhodna vodna saglasnost važi 3 godine od dana izdavanja ovog rješenja.

## **O b r a z l o ž e n j e**

Ministarstvo poljoprivrede, šumarstva i vodoprivrede Tuzlanskog kantona dopisom broj: 04/1-13-25-14026/08 od 11.02.2009. godine (zaprimljenog 17.02.2009. godine), u skladu sa članom 65. stav 4. Zakona o upravnom postupku, dostavilo je na nadležno rješavanje izdavanje predhodne vodne saglasnosti za snabdijevanje vodom i ispuštanje otpadnih voda iz objekata livnice aluminijuma fabrike «TMD AGS» d.o.o. Gradačac, Sarajevska br. 62 , 76250 Gradačac, na zemljištu označenom kao k.č, broj: 1149 upisan u K.O. Gradačac I, u industrijskoj zoni grada Gradačca.

Pri rješavanju predmetnog zahtjeva dostavljena je i razmatrana slijedeća dokumentacija:

- a) Studija za izdavanje predhodne vodne saglasnosti za objekat livnice aluminijuma «TMD AGS»- Gradačac,
- b) Prepis posjedovnog lista 3163/1 izdat od strane Službe za geodetske poslove i katastar nekretnina, općina Gradačac, broj. 0775-30-1-16533/08 od 28.10.2008. godine,
- c) Identifikacija parcele na PL-u 3163/1 izdata od strane Službe za geodetske poslove i katastar nekretnina, općina gradačac, broj:0775-30-1-16535/08 od 28.10.2008. godine,
- d) Kopija katastarskog plana, izdata od strane Službe za geodetske poslove i katastar nekretnina, općina Gradačac, broj plana 17, od 28.10.2008.godine,
- e) Rješenje o upisu u sudski registar, izdato od strane Općinskog suda u Tuzli, broj: 032-0-Reg-08-001672 od 10.11.2008. godine,
- f) Rješenje o minimalno- tehničkim uvjetima opremljenosti poslovnih prostora izdato od strane Službe za komunalne poslove i poduzetništvo, Općine Gradačac, broj: 04-23-547/02 od 20.03.2002. godine,
- g) Uvjerenje o poreskoj registraciji, izdato od strane Porezne uprave- Kantonalni ured, Tuzla, od 02.12.2002. g. godine,
- h) Saglasnost na priključak na vodovodnu i kanalizacionu mrežu, izdata od strane JP «Komunalac» Gradačac, broj: 01-68/09 od 13.01.2009. godine,
- i) Dokaz o uplaćenju upravnoj pristojbi.

Pregledom dostavljene dokumentacije utvrđeno je slijedeće:

Proces proizvodnje u «TMD AGS» se zasniva na proizvodnji tlačno livenih aluminijskih odlivaka za automobilsku industriju. Proces proizvodnje aluminijskih odlivaka počinje topljenjem ingota (sirovine). Nastala talina se izliva u lonac iz koga izlazi odlivak koji ide na finalnu obradu. Tokom finalizacije se odlivci obrađuju vibriranjem i međusobnim trenjem, čime se skidaju viškovi materijala i površina čini glatkom. Pri proizvodnom procesu se vrši premazivanje i podmazivanje alata i klipova. Premazi su uglavnom mineralna ulja i voskovi u vodenoj emulziji. Fabrika «TMD AGS» se vodom snabdijeva iz gradskog vodovoda.

Tehnološke otpadne vode nastaju u procesu rada kod pranja tehnološke opreme, pranja alata, od pranja unutrašnjeg dijela objekta. Ove vode će uz manje ostatke metala prvenstveno aluminijuma, sadržati ulja, masnoće, suspendovane materije i tragove deteridenata. Prije njihovog ispuštanja u sistem javne kanalizacije potrebno ih je prečistiti da kvalitet prečišćenih voda bude u skladu sa važećim Pravilnikom.

Investitoru su tačkom 2. dispozitiva rješenja utvrđeni uslovi pod kojim se izdaje prethodna vodna saglasnost, shodno članu 55. stav 1. i članu 111. stav 1. Zakona o vodama («Službene novine Federacije BiH» broj: 70/06), članom 3. Pravilnika o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno u drugi prijemnik («Službene novine Federacije BiH», broj 50/07) i članom 14. stav 2. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 06/08).

Tačkom 3. dispozitiva rješenja data je obaveza pribavljanja vodne saglasnosti shodno članu 114. stav 1. Zakona o vodama.

Tačkom 4. dispozitiva dati su uslovi i kriteriji koje mora ispunjavati pravno lice koje vrši izradu dokumentacije, shodno članu 120 tačka 5. i 6. Zakona o vodama i članu 5. i 12. Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH», broj:17/08).

Tačkom 5. dispozitiva rješenja propisan je rok važenja ove prethodne saglasnosti, shodno članu 111. stav 3. Zakona o vodama.

Na zahtjevu je priložena upravna pristojba u biljezima u iznosu od 3,00 KM po Tar br 1. i naknadno uplaćena federalna pristojba u iznosu od 45,00 KM po Tar br 43. Zakona o federalnim upravnim pristojbama i tarifi federalnih upravnih pristojbi («Službene novine Federacije BiH», broj 06/98).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku petnaest dana od dana prijema rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse.

Po ovlaštenju  
Rukovodilac Sektora za izdavanje vodnih akata

Nedžad Vilić, dipl. ing.građ.

Dostaviti:

- «TMD AGS» d.o.o. Gradačac,  
Sarajevska 62, 76250 Gradačac
- Federalnom ministarstvu poljoprivrede,  
vodoprivrede i šumarstva- Sarajevo
- Federalna uprava za inspekcijske poslove, vodna inspekcija
- AVP-ISV -Vodna knjiga
- Sektor 40. -arhiva